

摘藻堂四庫全書薈要

經部

欽定四庫全書薈要

經部

呂氏家塾讀詩記卷八



欽定四庫全書薈要卷九百六十

經部


呂氏家塾讀詩記卷七

宋

呂祖謙

撰

王

鄭氏詩譜曰王城者周東都王城畿內方六百里之地其封域在禹貢豫州太華外方之間北得河陽漸

冀州之南始武王作邑於鎬京謂之宗周是為西都成王在豐欲宅洛邑使召公先相宅既成謂之王城是為東都今河南是也召公既相宅周公往營成周

今洛陽是也成王居洛邑遷殷頑民於成周復還歸

處西都

朱氏曰成王營洛邑為時會諸侯之所以其土中四方來者道路均故也自是豐鎬為西

都

至十一世幽王嬖褒姒生伯服廢申后太子宜臼

奔申申侯與犬戎攻宗周殺幽王于戲晉文侯鄭武

公迎宜臼于申而立之是為平王以亂故徙居東都

王城於是王室之尊與諸侯無異其詩不能復雅故

貶之謂之王國之變風

孔氏曰尊之猶稱王在風則卑矣已此列國當言周而言

王則尊之○蘇氏曰自平王東遷而變風遂作其風及其境內而不能被天下與諸侯比然其王號未替

故不曰周黍離
而曰王黍離云

黍離閔宗周也周大夫行役至于宗周過故宗廟宮室
盡為禾黍閔周室之顛覆彷徨薄皇反惶音皇不忍去而作是
詩也

彼黍離離彼稷之苗行邁靡靡中心搖搖知我者謂我
心憂不知我者謂我何求悠悠蒼天此何人哉

毛氏曰彼彼宗廟宮室

鄭氏曰宗廟宮室毀壞而其地盡為禾黍

○說文

曰黍禾屬而黏者也以大暑而種故謂之黍孔氏曰

黍可為酒○孔氏曰離離垂也○爾雅曰粱稷也

孔氏

曰粱者稷也曲禮曰稷曰明粱是也郭璞云今江東人呼粟為粱然則粱也稷也粟也只是一物也而本艸稷米在下品別有粟米在中品又似二物故先儒共疑焉說文曰稷百穀之長沈括曰稷乃今之稭也稭

子例反

○孔氏曰黍言離離稷言苗則是黍秀稷未秀

○毛氏曰邁行也靡靡猶遲遲也○孔氏曰搖搖是

心憂無所附著之意楚威王謂蘇秦曰寡人心搖搖然如懸旌而無所薄○鄭氏曰知我者知我之情謂我何求怪我久留不去○毛氏曰悠悠遠意蒼天以

體言之尊而君之則稱皇天元氣廣大則稱昊天仁
覆閔下則稱旻天自上降監則稱上天據遠視之蒼
蒼然則稱蒼天○李氏曰周大夫呼天而愬曰致此
者何人哉蓋含蓄其辭不欲指斥其人也

彼黍離離彼稷之穗音遂行邁靡靡中心如醉知我者謂
我心憂不知我者謂我何求悠悠蒼天此何人哉

毛氏曰穗秀也詩人自黍離離見稷之穗故歷道其
所更見中心如醉醉於憂也

彼黍離離彼稷之實行邁靡靡中心如噎

於結反

知我者

謂我心憂不知我者謂我何求悠悠蒼天此何人哉

毛氏曰自黍離離見稷之實○元城劉氏曰人之情

於憂樂之事初遇之則其心變焉次遇之則心微變

三遇之則其心如常矣此常人之情也至於君子忠

厚之情則不然其行役往來故非一見也初見稷之

苗矣又見稷之穗矣又見稷之實矣而所感之心始

終如一不少變而愈深此則詩人之意也

張氏曰黍離之詩言

苗言穗言實作文者須
是如此不可都謂之苗

○孔氏曰噎者咽喉閉塞之

名言憂深不能喘息如噎之然

黍離三章章十句

君子于役刺平王也君子行役無期度大夫思其危難

乃旦

以風

福鳳反

焉

孔氏曰平王
宜臼幽王子

攷經文不見思其危難以風之意

君子于役不知其期曷至哉雞棲

音西

于埵

音時

日之夕矣

羊牛下來君子于役如之何勿思

毛氏曰鑿牆而棲曰埶

孔氏曰寒鄉鑿牆為雞作棲

○朱氏曰君

子之行役不知其還反之期且今亦何所至哉雞則

棲于埶矣日則夕矣羊牛則下來矣○鄭氏曰言畜

產出入尚有期節至于行役者乃反不也○朱氏曰

雖欲使我之不思不可得也釋文埶作時曰本亦作

埶

君子于役不日不月曷其有佸

戶括反

雞棲于桀日之夕

矣羊牛下括

古括反

君子于役苟無飢渴

毛氏曰恬會也雞棲于杙

羊職反

為桀括至也○鄭氏

曰苟且也○朱氏曰君子行役之久不可計以日月而又不知其何時可以來會也亦庶幾其免於飢渴而已矣

君子于役二章章八句

君子陽陽閔周也君子遭亂相招為祿仕全身遠

于葛反

害而已

君子陽陽左執簧

音黃

右招我由房其樂

音洛

只且

于徐反

程氏曰陽陽自得陶陶自樂之狀皆不任憂責全身

自樂而已君子居亂世如是

董氏曰莊子曰以陽為充孔陽則陽陽者氣充

於內容貌不枯也

○毛氏曰簫笙也

孔氏曰簫者笙管之中金薄鑠也○鄭司農云

笙十三簧笙必有簧故以簧表笙

○鄭氏曰由從也招我欲使我從

之於房中俱在樂官也我者君子之友自謂也○毛

氏曰國君有房中之樂

孔氏曰路寢房中也譜云路寢之常樂天子以周南諸侯

以召南是天子諸侯皆有房中之樂也

○朱氏曰只且語助聲○蘇氏

曰君子以賤為樂則其貴者不可居也雖有貴位而

君子不居則周不可輔矣此所以為閔周也

君子陶陶

音遙

左執翯

徒刀反

右招我由敖

五刀反

其樂只且

毛氏曰陶陶和樂貌○孔氏曰翯舞者所持纛

徒報反

也○鄭氏曰教者燕舞之位

君子陽陽二章章四句

揚之水刺平王也不撫其民而遠屯戍于母家周人怨思焉

程氏曰諸侯有患天子命保衛之亦宜也平王獨思

其母家爾非有王者保天下之心人怨宜也況天子

當使方伯鄰國共保助之

朱氏曰先王之制諸侯有故則方伯連帥以諸侯之

師討之王室有故則方伯連帥以諸侯之師救之天子鄉遂之民供貢賦衛王室而已平王微弱威令不行於天下無以保其母家而使畿甸之民遠為諸侯戍守周人以非其職而怨思也又況幽王之禍申侯實為之則平王所與不共戴天讐也乃不能討而反戍焉愛母忘父其悖理也亦甚矣民之怨也豈不亦以此歟○長樂劉氏曰六鄉六遂之兵所以制方伯之失職非以禦夷狄也

揚之水不流束薪彼其

音記

之子不與我戍申懷哉懷哉

曷月予還歸哉

張氏詩曰揚水悠揚緩不流不流蒲楚弱堪憂談詩
若作奔湍解王鄭諸篇未易求○歐陽氏曰揚之水
不流束薪猶東周政衰不能召發諸侯獨使周人遠
戍久而不得代耳彼其之子周人謂它諸侯國人之
當戍者也○鄭氏曰平王母家申國姜姓在陳鄭之
南

杜預曰今南陽宛縣是也

迫於強楚而數見侵伐王是以戍之

○朱氏曰思之哉思之哉何月而得遄歸也

揚之水不流束楚彼其之子不與我戍甫懷哉懷哉曷

月予還歸哉

毛氏曰楚木也甫諸姜也

朱氏曰書呂刑禮記作甫刑○孔氏曰呂侯後為甫

侯

○孔氏曰言甫許者以其俱為姜姓既重章以變文因借甫許以言申其實不戍甫許也六國時秦趙同為嬴姓史記漢書多謂秦為趙亦此類也

揚之水不流束蒲彼其之子不與我戍許懷哉懷哉曷月予還歸哉

毛氏曰蒲艸也

鄭氏蒲蒲柳○釋文孫毓云蒲艸之聲不與戍許相協箋義為長今則二

薄之音未
詳其異耳

許諸姜也

國語曰申呂雖
衰齊許猶在

揚之水三章章六句

中谷有推

吐雷反

閔周也夫婦日以衰薄凶年饑

居疑反

饑

音

室家相棄爾

范氏曰世治則室家相保者上之所養也世亂則男
女相棄者上之所殘也其使之也勤其取之也厚則
夫婦日以衰薄而凶年不免於離散矣伊尹曰匹夫
匹婦不獲自盡民主罔與成厥功故詩人舉一物失

所而知王政之惡一女見棄而知人民之困以為政
荒民散將無以為國矣

中谷有推暵

呼但反

其乾矣有女仳

匹指反

離嘒

口愛反

其嘆

土丹反

矣嘒其嘆矣遇人之艱難矣

毛氏曰興也推離

音佳也

孔氏曰釋州云推推郭璞云今荒蔚也方莖白華華生節

間又名益母陸璣疏云舊說及魏博士周元明皆云菴藺是也韓詩及三蒼說悉云益母菴音充蔚音尉

孔氏曰暵燥也○毛氏曰仳別也○程氏曰推谷中

所生之物待陰潤而後能生故暵則乾矣興夫婦樂

歲則能相保凶年則至相棄也○鄭氏曰慨然而嘆
自傷遇君子之窮厄○曾氏曰凶年而遽相棄背蓋
衰薄之甚者然詩人乃曰遇斯人之艱難遇斯人之
不淑而無怨懟過甚之辭焉厚之至也

中谷有推暎其脩矣有女仳離條其𦵏音嘯矣條其𦵏矣
遇人之不淑矣

陳氏曰脩長茂者也長茂者為所暎○毛氏曰條條
然𦵏也○程氏曰𦵏長吟也悲恨深於歎矣○董氏

曰古之傷死者之辭曰如何不淑

古者謂死喪饑饉皆曰不淑蓋以吉慶為善事凶禍為不善事雖今人語猶然

中谷有推暎其濕矣有女仳離啜

張考反

其泣矣啜其泣

矣何嗟及矣

蘇氏曰及其甚也則雖生於濕者亦不免也○毛氏

曰啜泣貌○蘇氏曰泣者窮之甚也○董氏曰啜韓

詩作啜

吸其泣矣何嗟及矣言事已至此末如之何也

中谷有推三章章六句

兔爰閔周也桓王失信

孔氏曰桓王林平王孫

諸侯背

音佩

叛構怨

連禍王師傷敗君子不樂

音洛

其生焉

朱氏曰按左傳鄭武公為平王卿士

王貳于虢鄭伯怨王王曰無之故周鄭交質桓王即位將卒畀虢公政鄭祭足帥師取溫之麥又取成周之禾五年王遂奪鄭伯政鄭伯不朝王以諸侯伐鄭鄭伯禦之戰于緡葛王卒大敗祝聃射王中肩

有兔爰爰雉離于羅我生之初尚無為我生之後逢此

百罹

力支反

尚寐無吪

五戈反

毛氏曰爰爰緩意鳥網為羅○鄭氏曰尚庶幾也○
毛氏曰罹憂叱動也○朱氏曰為此詩者蓋及見西
周之盛故曰方我生之初天下尚無事及我生之後
而逢時之多難如此○鄭氏曰寐不欲動無所樂生
之甚

孟子曰雉兔者往焉蓋采捕於野者多得雉兔因
以名之此詩亦因所見而為比也兔之大以比諸
侯雉之小周人以自比也言諸侯之背叛者恣睢

自如而周人反受其禍也

有兔爰爰雉離于罍

音

我生之初尚無造我生之後逢

此百憂尚寐無覺

古孝反

毛氏曰罍覆車也

孔氏曰下傳罍罍與此一也釋云罍謂之罍罍也罍謂之罍罍覆

車也○孔氏曰郭璞云今之翻車也有兩轆中施罍以捕鳥獸展轉相解也罍早覓反罍古縣反

造

為也

有兔爰爰雉離于罍

昌鍾反

我生之初尚無庸我生之後

逢此百凶尚寐無聰

毛氏曰量罫

張方反

也

釋文曰韓詩云施羅於車工曰量

庸用也聰聞

也

兔爰三章章七句

葛藟

力軌反

王族刺平王也周室道衰棄其九族焉

釋文作刺

桓王曰本亦作刺平王案詩譜是平王詩皇甫士安以爲桓王之詩崔靈恩集注本亦作桓王○鄭氏曰九族者據已上至高祖下及玄孫之親○孔氏曰尚書歐陽說云九族乃異姓有親屬者父族四母族三妻族二

縣縣葛藟在河之許

呼五反

終遠兄弟謂他人父謂他人

父亦莫我顧

毛氏曰興也縣縣長不絕之貌○左傳曰葛藟猶能

庇其本根

朱氏曰葛藟其支蔓聯屬自有宗族之義

○毛氏曰水厓曰許

○渤海胡氏曰周南云葛之覃兮施于中谷又云南有樛木葛藟纍之邶風云旄丘之葛兮何誕之節兮唐風云葛生蒙楚欽蔓于野大雅云莫莫葛藟施于條枚然則葛也藟也必生於山谷丘野之地延蔓於艸木條枚之上不生於河許水厓生不得其地則失物之性也○王氏曰謂他人父謂他人母謂他人昆

所謂不愛其親而愛他人○李氏曰王既以他人為

父亦無顧我之意我九族也

蘇氏曰王今棄九族遠兄弟而謂他人父彼非

王族亦安

肯顧王哉

葛藟生非其地猶宗族失所依也

緜緜葛藟在河之涘

音侯

終遠兄弟謂他人母謂他人母

亦莫我有

毛氏曰涘厓也○鄭氏曰有識有也

左傳曰不有寡君

緜緜葛藟在河之漘

順春反

終遠兄弟謂他人昆謂他人

昆亦莫我聞

孔氏曰爾雅云夷上灑下濬郭璞云厓上平坦而下水深者為濬○毛氏曰昆兄也○李氏曰不與我相聞知也

葛藟三章章六句

采葛懼讒也

彼采葛兮一日不見如三月兮

毛氏曰興也葛所以為絺綌也事雖小一日不見於

君憂懼於讒矣○蘇氏曰朝有讒人則下不敢有所為○李氏曰人之譖人多因其不見則乘間而讒之○孔氏曰既以葛蕭艾為喻因以月秋歲為次也設文各從其韻也不由事大憂深也

彼采蕭兮一日不見如三秋兮

毛氏曰蕭所以共祭祀

孔氏曰釋州云蕭荻今人所謂荻蒿可作燭有香氣故祭

祀以脂
焚之也

○孔氏曰三秋設言三春三夏其義亦同取

其韻耳

彼采芣

五蓋反

兮一日不見如三歲兮

毛氏曰芣所以療疾

毛氏所謂事雖小蓋通三章言之芣之為締綌蕭之共祭祀芣之療疾特訓釋三物見芣之由不於此取義也鄭氏所箋失傳意矣

采芣三章章三句

大車刺周大夫也禮義陵遲男女淫奔故陳古以刺今大夫不能聽男女之訟焉

此詩所謂陳古其猶在於文武成康之後歟蓋唯
能止其奔未能革其心與行露之詩異矣亦僅勝
於東遷之時而已

大車檻檻毳

尺銳反

衣如茨

吐敢反

豈不爾思畏子不敢

毛氏曰大車大夫之車檻檻車行聲也毳衣大夫之

服茨雝也蘆之初生也乘其大車檻檻然服毳冕以

決訟

鄭氏曰毳衣衣繪而裳黼皆有五色焉其青者如黼○孔氏曰毳衣衣三章裳二章○王氏曰

典命王之三公八命其卿六命其大夫四命及其出封皆加一等蓋八命加一等所謂上公九命其服以

九為節也其未出封則與侯伯同服矣公與侯伯同服則卿與子男同服矣此詩所謂周大夫者卿也然則司服所謂卿大夫之服自玄冕而下者諸侯之卿大夫也

大車噶噶

他教反

毳衣如璫

音門

豈不爾思畏子不奔

毛氏曰噶噶重遲之貌璫賴

教貞反

也

孔氏曰賴淺赤也說文云璫玉

赤色故以璫為賴毳衣繒繡皆五色其青者如雛其赤者如賴二章各舉其一尔○王氏曰如蒺言其衣之色如璫言其裳之色

穀則異室死則同穴謂予不信有如皦

古了反

日

毛氏曰穀生皦白也○鄭氏曰穴謂塚壙中也○朱

氏曰民之欲相奔者畏其大夫自以終身不得如其志也故曰生不得相奔以同室庶幾死得合葬以同穴而已謂予不信有如皎日約誓之辭也

呂氏曰古之所謂合

葬者同其兆而已非同坎而葬也蓋死有先後前喪已葬復啟之以納後喪仁人有所不忍有禮者有所不取也此云同穴者亦同兆也

大車三章章四句

丘中有麻思賢也莊王不明賢人放逐國人思之而作

是詩也

孔氏曰莊王他桓王子

丘中有麻彼留子嗟彼留子嗟將其來施施

毛氏曰留子嗟字也

李氏曰所謂彼留子嗟者亦猶陳風所謂子仲之子豈必

求之他書蓋詩中

所陳便是實事迹

○鄭氏曰施施舒行

孟子曰施施從外來○陳

氏曰施施自得之貌

○蘇氏曰子嗟隱居丘陵之間而殖麻麥

果實以為生者民思其賢而庶其肯徐來以從我

朱氏

曰將其來施

施望之之辭

丘中有麥彼留子國彼留子國將其來食

朱氏曰子國亦字也

毛氏曰子國子嗟父

○蘇氏曰庶幾肯來

從我食也

丘中有李彼留之子彼留之子貽我佩玖

毛氏曰玖石次玉者○朱氏曰貽我佩玖冀其有以贈已也

丘中有麻三章章四句

王國十篇二十八章百六十二句

呂氏家塾讀詩記卷七

欽定四庫全書薈要卷九百六十一

經部

呂氏家塾讀詩記卷八

宋 呂祖謙 撰

鄭

鄭氏詩譜曰初宣王封母弟友於宗周畿內咸林之地是為鄭桓公今京兆鄭縣是其都也又為幽王大司徒甚得周衆與東土之人問於史伯曰王室多故余懼及焉其何所可以逃死史伯曰其濟洛河潁之間乎是其子男之國虢鄩為大君若以周難之故寄

帑與賄不敢不許若克二邑鄢蔽補丹依疇歷華君
之土也桓公從之後三年幽王為犬戎所殺桓公死
之具子武公與晉文侯定平王於東都王城卒取史
伯所云十邑之地左洛右濟前華後河食溱洧焉今
河南新鄭是也武公又作卿士國人宜之鄭之變風

作

釋文曰新鄭在滎陽宛陵縣西南

緇

側基反

衣美武公也父子竝為周司徒善於其職國人

宜之故美其德以明有國善善之功焉

孔氏曰武公掘突當平王時父

謂武公父
桓公也

禮記緇衣子曰好賢如緇衣○孔叢子孔子曰於緇
衣見好賢之至

此詩武公入仕于周而周人美之也若鄭人所作
何為三章皆言適子之館乎好賢如緇衣所謂賢
即謂武公父子也後之講師習其讀而不知其義
誤以為稱武公之好賢遂曰明有國善善之功失
其旨矣

緇衣之宜兮敝予又改為兮適子之館兮還予授子之粢兮

毛氏曰緇黑色○王氏曰緇衣朝服也

毛氏曰卿士聽朝之正服

也○孔氏曰緇衣即士冠禮所云主人玄冠朝服緇帶素鞶是也諸侯與其臣服之以日視朝故禮通謂此服為朝服玉藻云天子皮弁以日視朝則卿士朝於王服皮弁不服緇衣退適私朝服緇衣以聽其所朝之政也攷工記鍾氏三人為纁五人為緇七人為緇注染纁者三人而成又再染以黑則為緇又復再染以黑則成緇矣

○程氏曰宜言其備○毛氏曰改更也適

之也○蘇氏曰諸侯入為卿士皆受館於王室○毛

氏曰粢餐

蘇尊也

王氏曰粢粟治之精者○朱氏曰漢有白粢之刑給春導之役是也

○范氏曰桓公武公之為司徒上得於君下得於民其君子好之愈久而愈不厭○朱氏曰言子之服緇衣也甚宜其或敝也則予願為子更為之○范氏曰適子之館兮親之也還予授子之粢兮又授之以飲食也既親之又授之以飲食此好賢之至也

朱氏曰又將適

子之館既還而又授子以粢也

緇衣之好兮敝予又改造兮適子之館兮還予授子之

榮兮

毛氏曰好猶宜也○鄭氏曰造為也

緇衣之蓆

音蓆

兮敝予又改作兮適子之館兮還予授子

之榮兮

毛氏曰蓆大也

程氏曰蓆舒安之義服稱其德則安舒

緇衣三章章四句

將

七竿反

仲子刺莊公也不勝

音升

其母以害其第第叔失

道而公弗制祭

側界反

仲諫而公弗聽小不忍以致大亂

焉

左傳鄭武公娶于申曰武姜生莊公及其叔段莊公

害生驚姜氏遂惡之愛共叔段欲立之亟請於武公
公不許及莊公即位為之請制公曰制巖邑也虢叔死
焉他邑唯命請京使居之謂之京城大叔祭仲曰都城
過百雉國之害也今京不度非制也君將不堪公曰姜
氏欲之焉辟害對曰不如早為之所公曰多行不義必
自斃子姑待之既而大叔命西鄙北鄙貳於己公子呂
請除之公曰無庸將自及大叔又收貳以為己邑至於
廩延子封曰可矣公曰不義不暱厚將崩大叔將襲鄭
公命子封帥車二百乘以伐京京叛大叔段段入於鄆
公伐諸鄆大
叔出奔共

蘇氏曰莊公欲必致叔于死叔之未襲鄭也有罪而
未至于死是以諫而不聽非愛之也未得所以殺之

也毛氏不知其說其敘此詩以為不勝其母以害其
弟弟叔失道而公弗禁祭仲諫而公弗聽小不忍以
致大亂莊公豈不忍者哉

將仲子兮無踰我里無折我樹杞

音起

豈敢愛之畏我父

母仲可懷也父母之言亦可畏也

毛氏曰將請也仲子祭仲也踰越里居也二十五家

為里杞木名也

孔氏曰杞柳屬也生水傍葉麓而白色理微赤

折言傷害也

○李氏曰無踰我里言無與我家事也○鄭氏曰無

折我樹杞喻言無害我兄弟也○朱氏曰雖知汝之言誠可懷思而父母之言亦豈可不畏哉

五家為鄰五鄰為里皆有地域溝樹之故曰無踰我里無折我樹杞

將仲子兮無踰我牆無折我樹桑豈敢愛之畏我諸兄仲可懷也諸兄之言亦可畏也

呂氏曰孟子曰樹牆下以桑則桑在牆下也

毛氏曰諸兄公族

將仲子兮無踰我園無折我樹檀豈敢愛之畏人之多
言仲可懷也人之多言亦可畏也

毛氏曰園所以樹木檀彊忍之木

孔氏曰園者圃之蕃故其內可以種

木也檀材可以為車陸璣疏云檀木皮正青滑澤

將仲子兮無踰我里無折我樹杞辭雖拒仲而意
則與之如侍人僚祖告昭公以去季氏之謀公執
戈以懼之之類豈敢愛之畏我父母則於段非有
所不忍也仲可懷也父母之言亦可畏也則拳拳

於叔而不得已於姜氏者可見矣畏我諸兄畏人
之多言特迫於宗族國人之議論非愛段也具文
見意而莊公之情得矣

將仲子三章章八句

叔于田刺莊公也叔處于京繕

市戰反

甲治兵以出于田

國人說

悅音

而歸之

叔于田巷無居人豈無居人不如叔也洵

蘇遵反

美且仁

毛氏曰叔大叔段也田取禽也巷里塗也○鄭氏曰

洵信也○歐陽氏曰國人愛之以謂叔出于田則所居之巷蒼無人矣非實無人雖有而不如叔之美且仁也○呂氏曰國人稱之如是者亦不義而得衆也以得衆心為仁以飲酒為好以善服馬為武

楊氏曰叔段不義而

為衆所說者亦以衰俗好惡毀譽不當其實故也

叔于狩

手又反

巷無飲酒豈無飲酒不如叔也洵美且好

毛氏曰冬獵曰狩○歐陽氏曰叔出則巷無可飲酒之人矣

叔適野巷無服馬豈無服馬不如叔也洵美且武

鄭氏曰適之也郊外曰野服馬猶乘馬也○歐陽氏曰叔出則巷無能服馬之人矣

叔于田三章章五句

大叔于田刺莊公也叔多才而好勇不義而得衆也

蘇氏曰二詩皆曰叔于田故此加大以別之非謂段為大叔也然不知者又加大于首章失之矣○范氏曰莊公之於段稔其惡而欲斃之也故春秋書克段

于鄢以罪鄭伯詩人言叔多才好勇而得衆心以深
咎莊公夫段之惡易知而莊公之罪難見故春秋書
鄭伯而詩人刺其君皆本其所起以罪之所以為世
戒也

永嘉鄭氏曰段以國君介弟之親京城大叔之貴而所好者馳騁弋獵也所幹者袒裼暴虎也

所賢者射御足力也出而人思之者飲酒服馬之儔也氣習至此而又恃其君母之愛玩於莊公之惟其所欲而不誰何也欲不為叛得乎是則置段於必亂之地者莊公也

叔于田乘乘

下繩證反

馬執轡如組

音祖

兩驂如舞叔在藪

素口反

火烈具舉檀

音袒

裼

素歷反

暴虎獻于公所將

七羊反

叔

無徂

女九反

戒其傷女

孔氏曰織組者摠紕於此成文於彼御者執轡於手

馬騁於道如織組之為○毛氏曰叔之從公田也騁

之與服諧和中節

董氏曰五御之法有舞交衛者蓋詩所謂如舞者也兩服如騁與服

諧和中節然馬在車中為服在車外為騁服制於衛不得如舞其言舞者騁也藪澤禽之府

也○朱氏曰烈熾盛貌○毛氏曰具俱也禴禴肉袒也

孔氏曰李巡曰禴禴脫衣見體曰肉袒

暴虎空手以搏之徂習也○陳

氏曰火烈具舉疏以為宵田不知周禮中春蒐田用

火燄獻禽以祭社爾雅火田曰狩田未嘗不用火也
○朱氏曰國人謂之曰請叔無習此事恐其或傷女
也言其得衆如此○釋文叔于田作大叔于田者誤
無作毋曰本亦作無

叔于田乘乘黃兩服上褰兩驂雁行戶郎反叔在數火烈

具揚叔善射忌

音記

又良御忌抑磬

苦定反

控

口貢反

忌抑縱

送忌

毛氏曰乘黃四馬皆黃○鄭氏曰兩服中央夾轅者

孔氏曰小戎云騏驎是中駟驪是驂驂與中對文
則驂在外外者為驂則知內者為服故言兩服 襄

駕也上駕者言為衆馬之最良也

朱氏曰猶史所謂上駟也

雁行

者言與中服相次敘

孔氏曰雁行者兩驂與服馬其首差退

良亦善也

○毛氏曰揚光也忌辭也○朱氏曰抑發語之辭○

毛氏曰騁馬曰磬止馬曰控發矢曰縱從禽曰送

叔于田乘乘鵠

保音

兩服齊首兩驂如手叔在數火烈具

阜叔馬慢忌叔發罕忌抑釋棚

冰音

忌抑鬯

殺亮反

弓忌

毛氏曰驪白雜毛曰鵠

郭璞曰今所謂烏驄馬

齊首馬首齊也

○鄭氏曰如手如人左右手之相佐助也

朱氏曰兩服並首在

前而兩駢在旁稍出其後如人之左右手也

○毛氏曰阜盛也慢遲罕希

也棚所以覆矢

孔氏曰棚左傳作冰箭筈蓋也

彀弓弣

吐力反

弓

孔氏曰彀

者盛弓之器彀謂弛弓而納之弣○朱氏曰彀弓囊也

○鄭氏曰田事且畢則

其馬行遲發矢希射者蓋矢弣弓言田事畢

朱氏曰言其田

事將畢而從容整暇如此

○釋文慢作嫚曰本又作慢

鷺鳥將擊必匿其形二詩所載段之輕淺如此宜

其為莊公之所易也詩人乃若憂其不能制者豈

其未得莊公之情也哉憂之云者兄弟之心也欲
止其惡者也涕泣而道之者也易之云者仇敵之
心也欲養其惡者也談笑而道之者也詩人直以
兄弟之心為莊公憂耳豈知其他哉

大叔于田三章章十句

清人刺文公也高克好

呼報反

利而不顧其君文公惡

烏路

反

而欲遠

于萬反

之不能使高克將

子匪反

兵而禦

魚呂反

狄

于竟陳其師旅駟

五羔反

翔河上久而不召衆散而歸高

克奔陳公子素惡高克進之不以禮文公退之不以道

危國亡師之本故作是詩也

孔氏曰文公捷厲公子春秋閏公二年冬十二月秋

入衛鄭棄其師衛在河北鄭在河南恐其渡河侵鄭故使高克將兵於河上禦之公子素作詩以刺之○鄭氏曰好利不顧其君注心於利也

胡氏曰人君擅一國之名寵殺生予奪惟我所制爾使克不臣之罪已著按而誅之可也情狀未明黜而遠之可也愛惜其才以禮馭之可也烏有假以兵權委諸境上坐視其失伍離散而莫之恤乎

清人在彭駟介旁旁

補彭反

二矛

莫侯反

重

直龍反

英河上乎

翱翔

鄭氏曰清者高克所帥衆之邑○毛氏曰彭衛之河

上鄭之郊也○鄭氏曰駟四馬也○毛氏曰介甲也

○孔氏曰四馬被甲馳驅旁旁然不息○鄭氏曰二

矛酋矛夷矛也

孔氏曰酋矛常有四尺夷矛三尋長短不同其飾相累又云一矛而有二

備折

○毛氏曰重英有英飾也

孔氏曰魯頌說矛之飾謂之朱英則以朱

染為英飾蓋絲纒而朱染之○王氏曰英之以毛羽

○朱氏曰翱翔無事之貌

○永嘉鄭氏曰夫擁大衆於外而無所事不為亂則

潰散爾

清人在消駟介麋麋

表驕反

二矛重喬河上乎逍遙

毛氏曰消河上地也麋麋武貌重喬累荷也

釋文云荷舊音

何謂刻矛頭受刃處為荷葉相重累也沈胡可反謂兩矛之飾相負荷也

○釋文云韓詩

喬作鵲

清人在軸

音逐

駟介陶陶

徒報反

左旋右抽

敕由反

中軍作好

呼報反

毛氏曰軸河上地也

孔氏曰彭涓軸皆河上之地久不得歸師有遷移三地亦應不

甚相遠

○董氏曰陶陶樂而自適也○鄭氏曰左謂御

者右車右也中軍謂將也高克久不得歸日使其御者習旋其車車右抽刃自居中央為軍之容好而已

兵車之灋將居鼓下故御者在左

孔氏曰此為將之所乘車若士卒兵

車則左人持弓右人持矛中人御

○說文曰詩曰左旋右搃

士刀反搃

者拔兵刃以習擊刺

師久不歸無所聊賴姑遊戲以自樂也投石超距

勝之兆也左旋右抽潰之兆也不言已潰而言將潰其辭深其情危矣

清人三章章四句

羔裘刺朝

直遙反

也言古之君子以風

福鳳反

其朝焉

羔裘如濡

音儒

洵

音荀

直且侯彼其

音記

之子舍

音故

命不渝

以朱

反

毛氏羔羊傳曰大夫羔裘○毛氏曰如濡潤澤也○

歐陽氏曰洵信也○釋文曰韓詩曰侯美也○朱氏

曰其語助也。○鄭氏曰之子是子也舍猶處也。○毛氏曰渝變也。○鄭氏曰是子處命不變謂守死善道見危授命之等。○董氏曰韓詩彼其作彼已。

羔裘豹飾孔武有力彼其之子邦之司直

毛氏曰豹飾緣

悅縮反

以豹皮也

孔氏曰唐風云羔裘豹祛羔裘豹袖禮君

用純物臣下之故袖飾異皮

孔甚也司主也

羔裘晏

於諫反

兮三英粲

采旦反

兮彼其之子邦之彥兮

毛氏曰晏鮮盛貌。○程氏曰三英者若素絲五紵之

類蓋衣服制度之節然亦未詳其制也

朱氏曰英裘飾也○范氏

曰羔羊曰素絲五紵五絨五總皆所以英裘是之謂三英

○朱氏曰榮光明貌○

毛氏曰彥士之美稱

羔裘三章章四句

遵大路思君子也莊公失道君子去之國人思望焉

遵大路兮摻

所覽反

執子之祛兮無我惡

鳥路反

兮不寔

坎市

反故也

毛氏曰遵循路道摻躡祛

起居反

袂

面世反

也

孔氏曰喪服云袂屬

幅祛尺二寸則袂是祛之
本祛為袂之末俱是衣袖

○朱氏曰君子去其國國

人思而望之於其循大路而去也攬持其祛以留之
曰子無惡我而不留故舊不可以遽絕也

遵大路兮摯執子之手兮無我魏

市由反

兮不寔好

呼報反

也

毛氏曰魏棄也

孔氏曰魏與醜古今字醜惡可棄之物

○蘇氏曰好舊

好也

武公之朝蓋多君子矣至於莊公尚權謀專武力

氣象一變左右前後無非祭仲高渠彌祝聃之徒也君子安得不去之乎不寔故也不寔好也詩人豈徒勉君子遲遲其行也感於事變而懷其舊者亦深矣

遵大路二章章四句

女曰雞鳴刺不說

音悅

德也陳古義以刺今不說德而好

呼報反

色也

女曰雞鳴士曰昧旦子興視夜明星有爛

力旦反

將翺將

翔弋

羊職反

鳬

音符

與雁

蘇氏曰明星啟明也

解見大東

○鄭氏曰弋繳

音灼射也

孔氏

曰司弓矢矰矢弋矢用諸弋射註云結繳於矢謂之矰弋矢象焉然則繳射謂以繩繫矢而射也說文云繳謂生絲為繩也○夫婦相警覺以夙興○朱氏曰矰音增弋扶弗反

女曰雞鳴以警其夫而士曰昧旦言不止於雞鳴矣婦又語其夫曰若是則子可以起而視之意者明星已爛然矣如是則可以翱翔而往弋取鳬雁而歸也○歐陽氏曰古賢夫婦相警勵以勤生之語

昧晦也旦明也昧旦天欲旦晦明未辯之時也列
子曰將旦昧爽之交日夕昏明之際

弋言加之與子宜之宜言飲酒與子偕老琴瑟在御莫
不靜好

蘇氏曰加中也史記曰以弱弓微繳加諸鳧雁之上

○毛氏曰宜有也

朱氏曰宜和其所宜也內則曰牛
宜稌羊宜黍豕宜稷犬宜粱雁宜

麥魚
宜菰

○朱氏曰射者男子之事而中饋者婦人之職

也婦人謂其夫既得具鳧雁以歸則我當與子和其

滋味之所宜以之飲酒相樂期於偕老而其琴瑟之

在御者亦莫不安靜而和好言其和樂而不淫也

孔氏

曰琴瑟之樂

在於侍御

知子之來之雜佩以贈之知子之順之雜佩以問之知

子之好

呼報反

之雜佩以報之

蘇氏曰苟子有所招來而與之友者吾將為子雜佩

以贈之○毛氏曰雜佩者珩璜琚瑀衝牙之類

朱氏曰珩

佩之上橫者也下垂三道貫以纁珠璜如半璧繫於兩旁之下端琚如圭而兩端正方在珩璜之中瑀如

大珠在中央之中別以珠貫下繫於璜而交貫於瑤復上繫於珩之兩端銜牙如牙兩端皆銳橫繫於瑤下與璜齊行則銜璜出聲也○呂氏曰雜佩非特玉也鑄燧箴箴盼恍凡可佩之物也○蟻卑氏反鑄宣為反燧徐醉反箴忘緩反盼數文反恍所類反問遺尹季也凡以苞苴葦筍問人者左傳衛侯使人以弓問子貢皆遣人物謂之問○鄭氏曰順謂與已和

順○張氏曰言婦人之好德甚於男子

女曰雞鳴三章章六句

有女同車

尺奢反

刺忽也鄭人刺忽之不昏于齊太子忽

嘗有功於齊齊侯請妻

七計反

之齊女賢而不取

促句反

卒

以無大國之助至於見逐故國人刺之

鄭氏曰忽鄭莊公世子祭仲逐

之而立突○孔氏曰左傳云公之未昏于齊也齊侯欲以文姜妻鄭太子忽及其敗戎師也齊侯又請妻之如左傳文齊侯前欲以文姜妻忽後復欲以他女妻忽此言齊女賢而不娶謂復請妻者

廣漢張氏曰忽之不昏于齊未為失也而詩人追恨其失大國之助者蓋見忽之弱為甚追念其資於大國或有以自立此國人之情也蓋忽者先君之世子其立也正故其始也國人見其逐而憐其無助至於其再入也不能懲創而用賢於是至有目之為狡童

者而猶憂之而不能餐不能息也又聞其無忠臣良士而至此極也夫忽蓋不足道而人之情猶不欲遽絕之者以其立之正故耳

有女同車顏如舜華

如字

將翱將翔佩玉瓊琚彼美孟姜

洵

恤旬反

美且都

毛氏曰親迎

魚敬反

同車也

鄭氏曰女始乘車壻御輪三周御者代壻

舜木

僅

音謹

也

孔氏曰其華朝生暮落

佩有瓊琚所以納間

孔氏曰納衆玉與珩

上下之間

孟姜齊女○鄭氏曰洵信也○毛氏曰都閒也

孔氏曰都者美好間習之言司馬相如上林賦云妖冶閑都

○王氏曰古之人於

玉比德焉於瓊琚言德之容於將將言德之音言所宜各以其類也

有女同車顏如舜英將翱將翔佩玉將將

七竿反

彼美孟

姜德音不忘

毛氏曰英猶華也○朱氏曰將將佩玉聲也○李氏

曰言其德音之不可忘也

長樂劉氏曰謂齊侯請妻之音鄭人懷之不能忘也

不借助於大國而自求多福忽非奮然誠有是志

也蓋其為人淺狹而多所拘攣暗滯而動皆疑畏
浮易而不知審量了了然以文義自喜而國勢人
情與其身之安危皆懵然莫之察也適足以取亡
而已矣使忽誠有是志而深求其實則質之弱固
可強而所以持國者固無待於外助也惟其為善
有名而無情所以卒見嗤於祭仲而為詩人所閔
此功利之說所以多勝而信道者所以益寡

有女同車二章章六句

山有扶蘇刺忽也所美非美然

朱氏曰所美非美所謂賢者佞智者愚也

山有扶蘇隰有荷華不見子都乃見狂且

子餘反

毛氏曰興也扶蘇扶胥小木也荷華扶渠也其華菑

菑

釋文曰未聞曰菑菑已發曰芙蓉

子都世之美好者也狂狂人也

且辭也

山宜有扶蘇者也隰宜有荷華者也朝宜有賢俊者也今觀昭公之朝者不見子都乃見狂且焉則昭公所美非美可知矣

山有橋松隰有游龍不見子充乃見狡童

蘇氏曰上竦無枝曰橋

釋文曰橋本亦作喬

○鄭氏曰游猶放

縱也○毛氏曰龍紅艸也

孔氏曰龍艸生於下隰而枝葉放縱陸璣云一名馬

蓼葉大而赤白色生水澤中高丈餘○張氏曰游龍是紅艸也其枝餘膠屈著土處便生根如龍也○

董氏曰子充不見於書疑亦美者也○孔氏曰狡童

非有所指斥定名也下篇刺昭公之身此篇刺昭公

之所美○范氏曰山不唯有小木而又有大材隰不

唯有華而又有艸然則一國之大賢材無不有人君

所美宜得其美者也

山有扶蘇二章章四句

擇

他洛反

兮刺忽也君弱臣強不倡

昌亮反

而和也

擇兮擇兮風其吹女叔兮伯兮倡予和女

毛氏曰擇槁

苦老反

也

鄭氏曰槁謂木葉也○孔氏曰七月云十月墮擇傳云擇落也

則落葉謂之擇

○蘇氏曰木槁則其擇懼風風至而墮矣○

陳氏曰風其吹女者吹擇槁也○鄭氏曰叔伯羣臣相謂也羣臣自以強弱相服女倡矣則我將和之

擇兮擇兮風其漂

反匹遙

女叔兮伯兮倡予要

反於遙

女

毛氏曰漂猶吹也

昭公微弱孤危其羣臣相謂國勢如槁葉之待衝
風難將及矣叔兮伯兮蓋各自謀爾倡我則我其
和汝要汝矣要謂要結也蓋君不能倡故其下自
相倡和也

擇兮二章章四句

狡童刺忽也不能與賢人圖事權臣擅

善戰反

命也

鄭氏曰權

臣祭
仲也

程氏曰春秋書忽止曰鄭忽蓋不以忽為君故也不
以為君故詩人目之為狡童問碩鼠如何曰魏之重
歛至使人欲適彼樂國則人心之離亦可見矣人心
合而從之則為君離則為獨夫

彼狡童兮不與我言兮維予之故使我不能餐

七丹反

兮

范氏曰昭公有狂狡之志而無成人之實孤危將亡
君子憂之至於不能餐息愛君之至也夫不與我言

不與我食則棄賢可知也然賢人豈以君之不知而浩然以忘之哉亦盡其忠愛以憂之而已

彼狡童兮不與我食兮維子之故使我不能息兮

朱氏曰不與我食猶不與我言也○毛氏曰憂不能息也

賢者於忽懇懇如此而忽不之察焉上下可謂不交矣踈具可親親具可踈斯具所以亡也

狡童二章章四句

褰

起連反

裳思見正也狂童恣

資利反

行

下孟反

國人思大國

之正已也

鄭氏曰狂童恣行謂突與忽爭國更出更入而無大國正之

子惠思我褰裳涉溱

側中反

子不我思豈無他人狂童之

狂也且

子餘反

毛氏曰惠愛也○說文溱作漕云漕水出鄭○歐陽

氏曰彼大國有惠然思念我鄭國之亂欲求為我討

正之者非道遠而難至但褰其裳涉溱水而來則至

矣子不我思豈無他人者但言諸侯衆矣爾不我思

則當有他國思我者爾○朱氏曰所以然者狂童之狂已甚而不可緩也且助語辭也

子惠思我褰裳涉洧

于軌反

子不我思豈無他士狂童之

狂也且

前漢地理志曰潁川陽城山洧水所出東南至長平入潁○鄭氏曰他士猶他人也

褰裳二章章五句

丰

芳凶反

刺亂也昏姻之道缺陽倡而陰不和

胡卧反

男行

而女不隨

子之丰兮俟我乎巷兮悔予不送兮

毛氏曰丰豐滿也巷門外也○鄭氏曰子謂親迎者有親迎我者面貌丰丰然豐滿出門而待我於巷中悔乎我不送是子而去也○孔氏曰男親迎而女不從後乃追悔此陳其辭也

子之昌兮俟我乎堂兮悔予不將兮

毛氏曰昌盛壯貌○孔氏曰王肅云升于堂以俟士

昏禮主人揖賓入于廟賓升堂北面奠雁再拜稽首
降出婦從是則士禮受女於廟堂庶人雖無廟亦當
受女於寢堂○程氏曰將迎也言男俟我於堂非不
有禮女不將迎也

衣

於既反

錦褰

苦迴反

衣裳錦褰裳叔兮伯兮駕予與行

鄭氏曰褰禪

音丹

也蓋以禪縠

戶木反

為之中衣裳用錦

而上加禪縠焉為其文之大著也庶人之妻嫁服也

士妻紃

側湛反

衣纁

許云反

衽

如鹽反

叔兮伯兮駕予與行

言此者以前之悔今則叔也伯也來迎已者從之志

又易也

朱氏曰婦人既悔其始之不送而失此人也則曰叔兮伯兮豈無有駕車而迎我以行者

乎

裳錦褰裳衣錦褰衣叔兮伯兮駕予與歸

孔氏曰嬭人之服不殊裳而經衣裳異文者以詩須韻句故別言之耳其實嬭人之服衣裳連俱用錦皆有褰故互言之

丰四章二章章三句二章章四句

東門之墀

音善

刺亂也男女有不待禮而相奔者也

東門之墀茹

音如

蘆

力於反

在阪

音反

其室則邇其人甚遠

毛氏曰東門城東門也墀除地町町

吐鼎反

者茹蘆茅

蒐

所留反

也

孔氏曰除地去艸故云町町茅蒐一名茜可以染絳

○爾雅曰陂

彼宜

反

者曰阪

孔氏曰陂陀不平而可種者名陂

○朱氏曰門之旁有墀

墀之外有阪阪之上有艸誌其所欲奔之處也其室

則邇其人甚遠者思之切欲奔而未得間之辭○釋

文墀作壇曰依字當作墀

東門之栗有踐家室豈不爾思子不我即

毛氏曰栗行道上栗

孔氏曰行謂道也左傳云趙武魏絳斬行栗杜預云行栗表道

樹

踐行列貌

伐柯傳

即就也

○朱氏曰門之旁有栗栗

之下有成行列之室家亦誌其處也豈不爾思子不我即俟其就已而俱往耳

東門之墀二章章四句

風雨思君子也亂世則思君子不改其度焉

風雨淒淒

七西反

雞鳴喈喈

音皆

既見君子云胡不夷

毛氏曰興也○陳氏曰淒淒寒涼之氣○毛氏曰風且雨淒淒然雞猶守時而鳴喑喑然○朱氏曰我得見此人則我心之所思豈不坦然而平哉

風雨瀟瀟雞鳴膠膠

音交

既見君子云胡不瘳

救留反

朱氏曰瀟瀟風雨聲○毛氏曰膠膠猶喑喑也瘳愈

也言積思自此而愈也

李氏曰言如病之愈也

風雨如晦雞鳴不已既見君子云胡不喜

毛氏曰晦昏也○鄭氏曰已止也○范氏曰如晦又

甚於瀟瀟而雞鳴不已此所以為不改其度

風雨三章章四句

子衿

音金

刺學校廢也亂世則學校不脩焉

程氏曰治世則庠敘之教行有灋以率之不率教者有至於移屏不齒又禮義廉讓之風所漸陶父兄朋友之義所勸督故人莫不强於進學及夫亂世上不復主其教則無以率之風俗雜亂浮偷父兄所教者趨利朋友所習者從時故人莫不肆情廢惰為自棄

之人雖有賢者欲強之於學亦豈能也故悲傷之而

已

王氏曰世之亂生於上之人不學莫知反本以救之顧顛沛於末流以紆目前之患而以學為不切

於世務此學校所以廢也○范氏曰

無忠臣良士大亂五世學廢之由也

青青子衿悠悠我心縱我不往子寧不嗣音

毛氏曰青青青領也學子之所服

鄭氏曰禮父母在衣純以青○純諸

允○鄭氏曰嗣續也○程氏曰世亂學校不脩學者

棄業賢者念之而悲傷故曰悠悠我心縱我不可以
反求於汝謂往教強聒也子寧不思其所學而繼其

音問遽爾棄絕於善道乎○董氏曰石經作子衿說
文曰交衽也爾雅曰衣皆謂之襟孫炎曰襟交領也
青青子佩悠悠我思縱我不往子寧不來

毛氏曰佩佩玉也士佩璫

如充反

珉

亡巾反

而青組綬

孔氏

曰玉藻士佩璫玟而緼組綬此云青組綬者蓋毛讀禮記作青字其本與鄭異也

不來者言

其不一來也

挑

他羔反

兮達

他未反

兮在城闕兮一日不見如三月兮

毛氏曰挑達往來相見貌

程氏曰挑輕躍達放恣

○鄭氏曰人

廢學業但好登城闕以候望為樂

孔氏曰釋宮云觀謂之闕孫炎曰宮

門雙闕此言在城闕今謂城之上別有高闕非宮闕也

○程氏曰賢者念之一

日不見如三月之久也蓋士之於學不可一日忘廢一日忘之則其志荒矣放僻邪侈之心勝之矣○董氏曰崔靈恩集注達作達石經挑作攴許慎說文兼用此二字

子衿三章章四句

揚之水閔無臣也君子閔忽之無忠臣良士終以死亡

而作是詩也

揚之水不流束楚終鮮

息淺反

兄弟維予與女無信人之

言人實迂

居望反

女

揚之水解見王風○鄭氏曰作此詩者同姓臣也鮮寡也○孔氏曰兄弟爭國親戚相疑唯我與汝二人而已○毛氏曰迂誑也○范氏曰揚之水不流束楚弱也終鮮兄弟唯予與女無親也無信人之言人實迂女小人衆也

揚之水不流束薪終鮮兄弟維予二人無信人之言人實不信

朱氏曰兄弟既不相容所與親者二人而已然亦不能自保於讒間此忽之所以亡也

無信人之言非教之以不信人言也忽既微弱公子復多其臣大抵懷二心而外市僅有一二人實心向之者乃暗於情偽不知所倚故提耳而告之也

揚之水二章章六句

出其東門閔亂也公子五爭兵革不息男女相棄民人

思保其室家焉

孔氏曰魯桓十一年祭仲立突而忽奔衛是一爭也十五年突使祭仲壻雍糾

殺祭仲仲知之殺雍糾突出奔蔡忽復歸于鄭是二爭也十七年高渠彌弑忽而立公子亶是三爭也十八年齊人殺子亶高渠彌祭仲逆子儀於陳而立之是四爭也魯莊公十四年傅瑕殺子儀而納突是五爭也○朱氏曰五爭首尾二十年○曾氏曰岷以華落色衰而相棄背谷風以淫於新昏而棄舊室出其東門則不然夫媚之情未嘗衰薄特以兵革不息室家不保視其去而不能留此所以為閔亂

出其東門有女如雲雖則如雲匪我思存縞

古老反

衣綦

巨基反

巾聊樂

音洛

我負

音云

毛氏曰如雲衆多也縞衣白色

孔氏曰縞細繒也

綦巾蒼艾

色○孔氏曰云負古今字助語辭也○范氏曰今女

之委棄者雖多視之而不得救者非我思慮之所能

及也縞衣綦巾聊樂我負思保其室家以相樂也

孔氏

曰彼衆女之中有着縞素之衣綦色之巾者是我之妻今亦絕去且得少留以喜樂我云

○釋文

曰負韓詩作魂

出其閨

音閨

音都

有女如荼

音徒

雖則如荼匪我思且

反

子徐

縞衣茹蘆聊可與娛

毛氏曰閨曲城也閹城臺也

陳氏曰門之外有副城回曲以障門者謂之閹

荼英荼也

鄭氏曰荼茅秀物之輕者飛行無常○孔氏曰釋州有荼苦菜又有荼委葉邛風誰

謂荼苦即苦菜也周頌以薺荼蓼即委葉也鄭於地

官掌荼注及既夕注與此箋皆云荼茅秀然則此言

如荼乃是茅州秀出之穗非彼二種荼州也言荼英

荼者英是白貌吳王夫差黃池之會言白常白旗素

甲白羽之矐望之如荼韋昭

云茅荼秀亦以白色為如荼茹蘆茅蒐之染女服也

鄭氏曰茅蒐染巾也○

朱氏曰茅蒐可以染絳

出其東門二章章六句

野有蔓

音萬

草思遇時也君之澤不下流民窮於兵革男

女失時思不期而會焉

君之澤不下流蓋講師見零露之語從而附益之

野有蔓草零露漙

赴端反

兮有美一人清揚婉

於阮反

兮邂

戶懈反

逅

胡豆反

相遇適我願兮

毛氏曰興也野四郊之外蔓延漙漙然盛多也清揚

睂目之間婉然美也邂逅不期而會○朱氏曰野有

蔓艸則零露漙矣有美一人則清揚婉矣邂逅相遇

則得以適我願矣

歐陽氏曰男女昏娶失時邂逅相遇於州野之間

野有蔓草零露瀼瀼

如羊反

有美一人婉如清揚邂逅相

遇與子偕臧

毛氏曰瀼瀼盛貌臧善也○朱氏曰與子偕臧猶言

各得其所欲也

野有蔓草二章章六句

溱

側中反

洧

于軌反

刺亂也兵革不息男女相棄淫風大行

莫之能救焉

王氏曰羞惡之心莫不有之而其為至於如此者豈其人性之固然哉兵革不息男

女相棄而無所從歸也是以至於如此然則民之失性也為可哀君之失道也為可刺

范氏曰樂之淫者曰鄭衛如有王者必放鄭聲然則

亂關雎者莫如鄭衛故鄭詩終於亂之極者焉

前漢地理

志云鄭地右雒左沛食溱洧焉士隱而險山居谷汲男女亟聚會故其俗淫

溱與洧方渙渙兮士與女方秉簡

古簡反

兮女曰觀乎士

曰既且

子餘反

且往觀乎洧之外洵

息旬反

訏

況于反

且樂

音洛

維士與女伊其相謔贈之以勺

時灼反

藥

毛氏曰溱洧鄭兩水名渙渙春水盛也

鄭氏曰仲春之時冰已釋

水則渙渙然。○李氏曰說文云渙流散也。蓋春冰解釋而流散也。韓詩注曰鄭國之俗三月上巳之辰往溱洧兩水之上招魂續魄秉蘭艸以祓除不祥。蘭蘭也。陸璣疏曰其莖葉似節中赤高四五尺。漢諸池苑及許昌宮中皆種之。可著粉中藏衣。著書中辟白魚。○鄭氏曰

既已也。洵信也。○毛氏曰訐大也。勺藥香艸。

陸璣疏曰今藥

艸勺藥無香氣未審今何艸。○釋文曰勺藥韓詩云離艸也。言相離別贈此艸也。○董氏曰古今注謂勺藥可離唐本艸可離江離然則勺藥江離也。○陳氏曰勺藥者溱洧之地富有之。詩人賦物有所因也。

男女相棄各無匹偶。感春氣竝出託采芬芳之艸而為淫泆之行。○鄭氏曰女曰觀乎欲與士觀於寬閒。

之處士曰已觀矣未從之也女情急故使男往觀於
洧之外言其土地信寬大又樂也於是男則往也○
朱氏曰士與女既相與戲謔又以勺藥為贈所以結
恩情之厚也○釋文曰洧訐韓詩作恂盱樂貌也

蘭即今之蘭勺藥即今之勺藥陸璣必指為他物
蓋泥毛公香艸之言必欲求香於柯葉置其花而
不論爾

溱與洧

音留

其清矣士與女殷其盈矣女曰觀乎士曰

既且且往觀乎洧之外洵訏且樂維士與女伊其將謔
贈之以勺藥

毛氏曰瀏深貌殷衆也○鄭氏曰將大也

溱洧二章章十二句

鄭國二十一篇五十三章二百八十三句

呂氏家塾讀詩記卷八

謹案卷八第一頁前八行號卽為大刊本號訛號
據國語改

第九頁前八行今所謂烏驄馬刊本驄訛驄今改
第十頁前八行五羔反刊本五羔訛玉美據經典

釋文改

第十九頁前四行已發曰芙蓉刊本曰訛於據釋
文改


第二十七頁前四行士佩璫珉而青組綬刊本青

訛清據毛傳改

第三十頁前五行吳王夫差黃池之會刊本池訛
地據國語改

第三十二頁後六行葢泥毛公香草之言刊本泥
訛范今改





總校官庶吉士臣張能照
校對官檢討臣王福清
謄錄監生臣王 詔

欽定四庫全書薈要

經部

呂氏家塾讀詩記卷九至十一




欽定四庫全書薈要卷九百六十二

經部

呂氏家塾讀詩記卷九 宋 呂祖謙 撰

齊

鄭氏詩譜曰齊者古少皞之世爽鳩氏之墟周武王伐紂封太師呂望於齊是為齊太公都營丘

孔氏曰漢書地

理志云齊郡臨淄縣師尚父所封也臣瓚案臨淄即營丘也今齊之城內有丘即營丘也淄水過其南及東以丘臨水謂之臨淄其封域東至于海西至于河南至于穆

陵北至于無棣在禹貢青州岱山之陰維

音惟淄側其反

之野後五世哀公政衰荒淫怠慢紀侯譖之於周懿王使烹焉齊之變風始作○蘇氏曰太公姜姓本四岳之後既封於齊通工商之業使魚鹽之利民多歸之故齊爲大國

雞鳴思賢妃也哀公荒淫怠慢故陳賢妃貞女夙夜警

戒相成之道焉

孔氏曰哀公不仁
癸公子當懿王時

雞既鳴矣朝

直達反

既盈矣匪雞則鳴蒼蠅之聲

孔氏曰陳賢妃貞女以警戒其夫之辭曰雞既鳴矣

朝上既已盈滿矣欲令君起也

毛氏曰雞鳴而夫人作朝盈而君作○朱

氏曰會朝之臣既已盈矣

又言非雞實鳴乃是蒼蠅之聲夫人之

在君所心常恐晚故以蠅聲為雞鳴

范氏曰賢妃貞女心存乎敬故

聞見其疑似者而作焉

東方明矣朝既昌矣匪東方則明月出之光

毛氏曰昌盛也見月出之光以為東方明

又曰東方明則夫人

纓笄而朝朝已昌盛則

君聽朝○纓色蜃反

蟲飛薨薨

呼弘反

甘與子同夢會且歸矣無庶予子憎

爾雅曰薨薨衆也○鄭氏曰蟲飛薨薨東方且明之時我猶樂與子臥而同夢○蘇氏曰子豈不欲與子同夢歟然羣臣之會於朝者亦欲退朝而歸治其家事是以爲之早作○曾氏曰無庶予子憎庶無憎予與子也○毛氏曰古之夫人配其君子亦不忘其敬

王氏曰蟲飛薨薨甘與子同夢情也會且歸矣無庶予子憎義也○范氏曰聖人順天地陰陽之理觀萬物之情明而動晦而休故以雞鳴爲夙興之節至於蟲飛薨薨則不獨以怠於政事亦非尚寐之時也君子之脩身不以有事而蚤無事則晏其興居皆順天地之理所以爲常也

雞鳴三章章四句

還

音旋

刺荒也哀公好田獵從禽獸而無厭國人化之遂

成風俗習於田獵謂之賢閑於馳逐謂之好馬

范氏曰表記曰上之所好惡不可不慎也是民之表也哀公禽荒而國人以習於田獵為賢閑於馳逐為好安于所習而不自知其非道民之道可不慎哉

子之還兮遭我乎狃

乃刀反

之間兮竝驅從兩肩兮揖我

謂我儼

許全反

兮

毛氏曰還便捷之貌狃山名從逐也獸三歲曰肩儇

利也○鄭氏曰俱出田獵而相遭也謂我儇譽之也

譽之者以報前言還也○王氏曰竝驅則遭我又非

一人而已前漢地理志引詩云子之營兮遭我乎嶮

之間兮顏師古注云毛詩作還齊詩作營嶮山名也

字或作狃亦作嶮音皆乃高反

釋文曰狃崔靈恩集注本作嶮○董氏曰

及於地記嶮狃嶮皆山名在齊之郊故諸書或異

○釋文曰儇韓詩作嫵

子之茂兮遭我乎狃之道兮竝驅從兩牡兮揖我謂我

好兮

毛氏曰茂美也

予之昌兮遭我乎狃之陽兮竝驅從兩狼兮揖我謂我
臧兮

毛氏曰昌盛也臧善也○朱氏曰山南曰陽○爾雅

曰狼牡羆

乎丸反

牝狼

舍人曰狼牡名羆牝名狼○陸璣疏云其鳴能小能大善為小

兒啼聲以誘人去數十步其猛健者雖善用兵者不能免也

○董氏曰還茂昌崔

靈恩集注以三者皆地名也

當是時齊以游畋成俗詩人載其馳驅而相遇也
意氣飛動鬱鬱見於眉睫之間染其神者深矣夫
豈一朝一夕所能反哉周遷商民既歷三紀之後
畢命猶不敢忘其憂良有以也

還三章章四句

著

直據反

刺時也時不親迎

魚敬反

也

俟我於著乎而充耳以素乎而尚之以瓊華乎而

毛氏曰俟待也○鄭氏曰我嫁者自謂也○毛氏曰

門屏之間曰著

孔氏曰爾雅云門屏之間謂之宁著與宁音義同

○鄭氏曰

素為充耳所以縣

音瑱吐遍反

者或名為統

孔氏曰統即今之條

繩用雜絲線織之素色分明目所先見故先言之○統都覽反

○毛氏曰瓊華美石

○鄭氏曰尚猶飾也飾之以瓊華者謂縣統之末所

謂瑱也

孔氏曰尚謂尊尚此物而加飾也○張氏曰充耳非一物先以纁塞後以玉加之

○

張氏曰俟我言夫之俟我也著夫家之著也如是則

不親迎也於庭於著於堂者必不是親迎只俟於堂

於庭於著而已○孔氏曰於著於庭於堂止是有先

後不宜分爲異人

前漢地理志載齊之風俗曰俟我於著乎而此亦其舒緩之體也雖非此篇意之所主然廣谷大川異制民生其間異俗剛柔輕重遲速異齊五味異和器械異制衣服異宜皆學者所當觀也詩可以觀其此類歟

俟我於庭乎而充耳以青乎而尚之以瓊瑩

音榮

乎而

鄭氏曰青統之青○毛氏曰瓊瑩石似玉

俟我於堂乎而充耳以黃乎而尚之以瓊英乎而

鄭氏曰黃統之黃瓊英猶瓊華也

昏禮壻往婦家親迎既奠雁御輪壻乃先往俟于
門外婦至壻揖婦以入及寢門揖入升自西階齊
人既不親迎故但行婦至壻家之禮俟我於著乎
而此昏禮所謂壻俟于門外婦至壻揖婦以入之
時也俟我於庭乎而庭在大門之內寢門之外此
昏禮所謂及寢門揖入之時也俟我於堂乎而升

階而後至堂此昏禮所謂升自西階之時也壻道婦入故於著於庭於堂每節皆俟之也

著三章章三句

東方之日刺衰也君臣失道男女淫奔不能以禮化也

釋文曰本或作刺襄公非也
南山已下始是刺襄公詩

東方之日兮彼姝

赤朱反

者子在我室兮在我室兮履我

即兮

毛氏曰興也日出東方人君明盛無不照察也○朱

氏曰履隨也○鄭氏曰即就也○朱氏曰言隨我而相就也○程氏曰日月明照則物無隱蔽姦慝莫容如朝廷明於上也今君不明故有淫奔之行詩人以東方之日刺其當明而昏也○歐陽氏曰在我室兮履我即兮相邀以奔之辭也

東方之月兮彼姝者子在我闥

他達反

兮在我闥兮履我

發兮

毛氏曰月盛於東方君明於上若日也臣察於下若

月也闔門內也

釋文曰韓詩曰門屏之間曰闔

○朱氏曰發行去也

謂隨我而行去也

東方之日二章章五句

東方未明刺無節也朝

直遙反

廷興居無節號令不時挈

苦結壺氏不能掌其職焉

鄭氏曰挈壺氏掌漏刻者○孔氏曰夏官挈壺氏下士六

人壺盛水器也挈者縣擊之名置箭壺內以為節而浮之於水上令水漏而刻下○程氏曰言其不能正時矣非特刺是官也

李氏曰觀人之政者見其一失則逆料其餘也

號令不時此一語贅蓋見詩中有自公令之之文而妄附益之爾

東方未明顛倒

都老反

衣裳顛之倒之自公召之

毛氏曰上曰衣下曰裳○鄭氏曰自從也挈壺氏失

漏刻之節東方未明而以為明故羣臣促遽顛倒衣

裳羣臣之朝別色始入羣臣顛倒衣裳而朝人又從

君所來而召之漏刻失節君又早興

東方未晞

音希

顛倒裳衣倒之顛之自公令

力證反

之

毛氏曰晞明之始升○朱氏曰令號令也猶召之也

折柳樊圃狂夫瞿瞿

俱具反

不能辰夜不夙則莫

暮音

毛氏曰柳柔脆之木樊藩也圃菜園也折柳以為藩

園○朱氏曰瞿瞿驚顧之貌○毛氏曰古者有挈壺

氏以水火分日夜以告時於朝○程氏曰折柳以樊

圃狂夫見之且驚躍知其為限也柳柔脆易折之物

折之以為藩籬非堅固也狂夫亦知其有限見之則

躍然而驚晝夜之限非不明也乃不能知而不早則

晏言無節之甚

李氏曰言不能時節其夜之早晚不失之早則失之晚也

東方未明三章章四句

南山刺襄公也鳥獸之行淫乎其妹大夫過是惡作詩

而去之

鄭氏曰襄公之妹魯桓公夫人文姜也○孔氏曰襄公諸兒釐公子桓十八年左傳云公與夫

人姜氏如齊齊侯通焉公諱之以告夏四月

月丙子享公使公子彭生乘公公薨於中

南山崔崔

子雖反

雄狐綏綏魯道有蕩齊子由歸既曰歸

止曷又懷止

毛氏曰南山齊南山也崔崔高大也國君尊嚴如南

山蕩

徒黨反

平易也齊子文姜也

王氏曰謂文姜曰齊子者以為此齊之子

也而淫於齊

○鄭氏曰婦人謂嫁曰歸雄狐行求匹耦於

南山之上形貌綏綏然喻襄公居人君之尊而為淫
洙之行其威儀可耻惡如狐○孔氏曰文姜由此道
而歸魯既曰歸於魯矣襄公何為而復思之乎○呂
氏曰上二章罪襄公所謂曷又懷止曷又從止者言
其理如是而襄公違之以淫佚何也下二章罪魯桓
公所謂曷又籀止曷又極止者言其理如是桓公縱

之窮極其惡何也

葛屨五兩

音亮

冠綏

如誰反

雙止魯道有蕩齊子庸止既曰

庸止曷又從止

毛氏曰葛屨服之賤者冠綏服之尊者庸用也

朱氏曰用

此道而嫁于魯也

○朱氏曰從相從也○呂氏曰貴賤各有

耦也屨與屨為耦雖五兩之多各相耦冠綏之雙自

為耦也襄公文姜非其耦猶冠屨之不可雙也

藝麻如之何衡

音橫

從

足容反

其畝取

七喻反

妻如之何必告

父母既曰告止曷又鞠

居六反止

毛氏曰藝樹也衡獵之從獵之種之然後得麻

孔氏曰獵

是行步踐履之名衡古橫字謂既耕而東西踐躡槩
摩之也古者推耒耜而耕不宜縱橫耕田故知是摩
獵之也 ○朱氏曰欲樹麻者先必縱橫耕治其田畝然

後可以得麻人之欲娶妻者必先告之於父母然後
可以得妻也今魯桓公之娶文姜也既告而成禮矣

鄭氏曰娶妻之禮議於生者卜於死者

曷為不能禁制 ○釋文曰衡亦

作橫韓詩云東西耕曰橫從韓詩作由云南北耕曰

由

鞠養也納之不正則容有不敢制者今魯侯既以正禮納文姜當蚤裁制之曷為又養其姦而至於極也故後章曰曷又極止

析薪如之何匪斧不克取妻如之何匪媒不得既曰得止曷又極止

毛氏曰克能也○朱氏曰極窮也○李氏曰析薪者必用斧亦猶取妻者必用媒既以媒而得之矣曷為

使極其姦

南山四章章六句

甫田大夫刺襄公也無禮義而求大功不脩德而求諸侯志大心勞所以求者非其道也

無田

音佃

甫田維莠

羊九反

驕驕無思遠人勞心忉忉

音刀

○

毛氏曰甫大也忉忉憂勞也○揚子曰田甫田者莠

驕驕思遠人者心忉忉

蘇氏曰無田甫田田甫田而力不給則莠盛矣無思遠人

思遠人而德不及則心勞矣田必自其小者始小者之有餘而甫田可啟矣思遠人則必自其近者始近

者之既服而
遠人自至矣

無田甫田維莠稂稂

居竭反

無思遠人勞心怛怛

旦未反

○

毛氏曰稂稂猶驕驕怛怛猶忉忉也

驕驕稂稂皆稂莠侵陵嘉穀之狀

婉於阮反

兮

力轉反

兮總角

古患反

兮未幾

居豈反

見兮突

吐訥反而弁兮

毛氏曰婉孌少好貌總角聚兩髦也卅幼稚也○釋

文曰方言曰凡卒相見謂之突○毛氏曰弁冠也

孔氏

曰周禮掌冠冕者謂之弁師則弁者冠之大號

○孔氏曰言有童子婉孌總

聚其髮以為兩角壯然幼稚如此與別未經幾時而更見之突然已加冠弁為成人○蘇氏曰總角之童而至於突然弁也豈其求之哉其道則所有必至也君子之得諸侯亦未嘗求之矣苟修其身而治其政令諸侯不來而將安往

苟由其道而循其敘則小者俄而大微者俄而著厥德脩罔覺非計功求獲者所能與也

甫田三章章四句

盧令

音零

刺荒也襄公好

呼報反

田獵畢弋而不脩民事百

姓苦之故陳古以風

福鳳反

焉

孔氏曰畢弋掩兔網小而柄長謂之畢

盧令令其人美且仁

毛氏曰盧田犬

孔氏曰犬有田犬守犬戰國策云韓國盧天下之駿犬東郭逵海內之狡

兔是盧為田犬也○逵七旬反

令令纓環聲

孔氏云環在犬之領下如人之冠纓然

言

人君能有美德盡其仁愛百姓欣而奉之愛而樂之

順時遊田與百姓共其樂同其獲故百姓聞而說之

其聲令令然

孔氏曰孟子曰令王田獵於此百姓聞王車馬之音見羽旄之美舉欣欣然有

喜色而相告與民同樂也此百姓悅之也

○董氏曰韓詩作盧泠泠說文

引詩作隣

盧重

直龍反

環其人美且鬢

音權

毛氏曰重環子母環也

孔氏云謂大環貫一小環也

鬢好貌

盧重鋤

音梅

其人美且偲

七才反

毛氏曰鋤一環貫二也

孔氏云謂一大環貫二小環也

偲才也

說文云偲

也強

盧令三章章二句

敝笥

古口反

刺文姜也齊人惡

烏路反

魯桓公微弱不能防

閑文姜使至淫亂為二國患焉

釋文曰桓公執亦名允
隱公弟○朱氏曰防所

以止水閑所以扞物故防閑有
禁制之意○孔氏曰閑控極也

敝笥在梁其魚魴

音房

鰕反

齊子歸止其從

才用反

如雲

毛氏曰興也○笥梁解見谷風○陸氏艸木疏云魴

今伊洛濟潁魴魚也廣而薄肥恬而少力細魚之美

者○勃海胡氏曰毛云鰕大魚孔穎達引孔叢子鰕

魚其大盈車鄭云鰈魚子以魴鱖為比則鰈非大盈車者亦非魚子蓋魴鰈鱖及唯唯者皆魚之可制者也為其笥之敝敗而不能制者也文姜本可以防閑而制之由魯桓微弱不能防閑文姜致文姜驕伉而難制也○張氏曰反歸於齊也○毛氏曰如雲言盛也○楊氏曰其從如雲其從如雨言從之者衆也許穆夫人思歸唁其兄許人尤之終以義不得而止若魯桓公剛而有制使魯人無肯從者如許人焉則文

姜雖欲適齊尚可得乎

敝笥在梁其魚魴鱖

才呂反

齊子歸止其從如雨

毛氏曰如雨言多也○陸氏艸木疏云魴似魴厚而

頭大魚之不美者故里語曰網魚得魴不如啗茹

其頭尤大而肥者徐州人謂之鯁或謂之鰠

常容反

敝笥在梁其魚唯唯

惟癸反

齊子歸止其從如水

孔氏曰唯唯魚行相隨之貌○毛氏曰水喻衆也

朱氏

曰言其從之者多如水之流也

○釋文曰唯唯韓詩作遺遺

敝筓三章章四句

載驅齊人刺襄公也無禮義故盛其車服疾驅於通道

大都與文姜淫播其惡於萬民焉

朱氏曰按春秋魯莊公之二年冬十有二

月夫人姜氏享齊侯于祝丘五年夫人姜氏如齊師七年春夫人姜氏會齊侯于防冬夫人姜氏會齊侯于穀

載驅薄薄

音各反

簞茀

音弗

朱鄴

苦郭反

魯道有蕩齊子發夕

毛氏曰薄薄疾驅聲也簞方丈席也車之蔽曰茀諸

侯之路車有朱革之質而羽飾

孔氏曰謂以簞蔽車之後戶也鄴革也獸

皮治去毛曰革謂路車以皮革為本質其上文以翟羽為之飾

朱氏曰夕猶宿也發夕言離於所宿之舍○蘇氏曰
襄公疾驅其車以會文姜文姜夕發於魯而往會之
○釋文第作第

四驪

力馳反

濟濟

子禮反

垂轡漶漶

乃禮反

魯道有蕩齊子豈

開改反
弟

毛氏曰四驪言物色盛也

孔氏曰襄公乘其一駟之馬皆是鐵驪之色

濟

濟美貌垂轡轡之垂者漶漶衆也齊子豈弟言文姜
於是樂易然○歐陽氏曰文姜安然樂易無慙恥之

色也○釋文湔湔作爾爾曰本亦作湔

齊子豈弟蓋於此而樂易也美惡不嫌同辭

汶

音問

水湯湯

失章反

行人彭彭

必亡反

魯道有蕩齊子翱翔

董氏曰汶水有二出泰山萊蕪者西南入沛今須城

之汶是也其一出朱虛縣泰山北過淳于縣今濰之

東南有大汶小汶即此是也○毛氏曰湯湯大貌彭

彭多貌翱翔猶彷徨也○鄭氏曰汶水之上蓋有都

焉襄公與文姜時所會

孔氏曰齊在魯北水北曰陽
僖公賜季友汶陽之田汶水

之北尚是魯地
襄公入魯境也

○李氏曰言行人之多以見其無恥

也

汶水滔滔

吐刀反

行人儻儻

表驕反

魯道有蕩齊子遊敖○

毛氏曰滔滔流貌儻儻衆貌○朱氏曰遊敖猶翱翔

也

載驅四章章四句

猗

於宜反

嗟刺魯莊公也

釋文曰莊公同桓公子

齊人傷魯莊公有

威儀技藝然而不能以禮防閑其母失子之道人以為

齊侯之子焉

李氏曰大宰問於子貢曰夫子聖者歟何其多能也
子聞之曰吾少也賤故多能鄙事君子多乎哉不多
也後世乃專心於此而忘其本故莊公有威儀技藝
而不免猗嗟之刺昭公習威儀以亟而不能止乾侯
之駝漢成帝善修容儀升車正立不內顧不能制趙
氏之橫雖多材多藝而不能務本何所補哉

猗嗟昌兮頤

音祈

而長兮抑若揚兮美目揚兮巧趨蹌兮

射則臧兮

毛氏曰猗嗟嘆辭昌盛也頗長貌○朱氏曰抑而若揚美之盛也揚目之動也○王氏曰趨蹌之巧也○

鄭氏曰臧善也○朱氏曰極稱其威儀技藝之美所以刺其不能以禮防其母也若曰惜乎其特少此耳猗嗟名兮美目清兮儀既成兮終日射

食亦反

侯不出正

音征

兮展我甥兮

朱氏曰名猶稱也言其威儀技藝之可名也清目清

明也

毛氏曰目上為名目下為清

○王氏曰儀既成兮言其威儀

之備也○朱氏曰侯張布而射之也○毛氏曰二尺

曰正

孔氏曰正者侯中所射之處周禮大射則張皮侯而設鵠賓射則張布侯而畫正正以綵畫為

之侯身長一丈八尺者正方六尺侯身長一丈四尺者正方四尺六寸侯身長一丈者正方三尺三寸其外之廣雖不同其內皆方二尺王射五正畫中朱次白次蒼次黃玄居外諸侯射三正損玄黃孤卿大夫士同射二正去白蒼而畫以朱綠正之言正也射者內志正則能中亦鳥名齊魯之間名題肩為捷黠射之難中以

○鄭氏曰展誠也姊妹之子曰甥○朱氏

中為俊

曰言稱其為齊之甥也而又以見其非齊侯之子此

詩人之微辭也

猗嗟變兮清揚婉兮舞則選

雪戀反

兮射則貫兮四矢反

兮以禦亂兮

王氏曰變壯好貌婉好眉目也

朱氏曰目清而眉揚故謂目為清眉為揚

選齊

孔氏曰善舞齊於樂節也

貫中

王氏曰貫而中革

四矢乘矢○鄭氏

曰反復也禮射三而止每射四矢皆得其故處此之

謂復○范氏曰射足以禦亂而禮不足防淫故卒章

深非之○釋文反韓詩作變

四矢反兮以禦亂兮蓋稱莊公弓矢之精可以禦
亂觀其以金僕姑射南宮長萬則可見矣說者或
謂詩人諷莊公當用以禦亂非也是詩譏刺之意
皆在章外一章嘆其威儀技藝之美也二章復嘆
其威儀技藝宜為我甥也三章復嘆其威儀技藝
可以禦亂也嗟嘆再三而莊公所大闕者不言可
見矣

猗嗟三章章六句

齊國十一篇三十四章百四十三句

呂氏家塾讀詩記卷九

欽定四庫全書薈要卷九百六十三

經部

呂氏家塾讀詩記卷十 宋 呂祖謙 撰

魏

鄭氏詩譜曰魏者虞舜夏禹所都之地在禹貢冀州

雷首之北析城之西周以封同姓焉

孔氏曰左傳曰虞虢焦滑霍楊

韓魏皆姬姓是與周同姓也

其封域南枕河曲北涉汾水昔舜耕

於歷山陶於河濱禹菲飲食而致孝乎鬼神惡衣服而致美乎黻冕卑宮室而盡力乎溝洫此一帝一王

儉約之化於時猶存今魏君嗇且褊急不務廣修德於民教以義方其與秦晉鄰國日見侵削國人憂之

孔氏曰桓四年左傳曰秦師圍魏是秦數伐之當周平桓之世魏之變風始

作至春秋魯閔公元年晉獻公竟滅之

前漢地理志云魏在晉之

南河曲其詩曰彼汾一曲寘之河之側○水經注故魏國城南西竝去大河可二十餘里北去首山十餘里處河山之間土地迫隘故魏風著十畝之詩也

葛屨

俱具反

刺褊

必淺反

也魏地陘

音洽

於懈反

其民機巧趨

利其君儉嗇

音色

褊急而無德以將之

范氏曰魏俗所以機巧趨利如此者

君心之所爲也故
是詩唯刺其褊

廣漢張氏曰夫子謂與其奢也寧儉則儉雖失中本
非惡德然而儉之過則至於吝嗇迫隘計較毫分之
間而謀利之心始急矣葛屨汾沮洳園有桃三詩皆
言其急迫瑣碎之意

糾糾

吉黝反

葛屨可以履霜摻摻

所銜反

女手可以縫裳要

於遙

之襟

紀力反

之好人服之

孔氏曰糾糾稀疏疎之貌

朱氏曰糾糾縹戾寒涼之意

○毛氏曰夏

葛屨冬皮屨摻摻猶纖纖也○朱氏曰女婦未見

賢通

反之稱也○鄭氏曰裳男子之下服

孔氏曰以婦人之服不殊裳故

知男子之下服也曲禮曰諸母不漱裳唯舉裳不漱則衣可漱明裳為賤繇音了漱悉候反

○毛

氏曰要褭也褭領也

孔氏曰要是裳褭褭為衣領說文亦云褭衣領也

○范

氏曰好人女而未婦為容好者也

毛氏曰好人好女手之人

○孔

氏曰服之整治之也○鄭氏曰魏俗至冬猶謂葛屨

可以履霜○孔氏曰新來嫁猶謂之可以縫衣裳○

毛氏曰婦人三月廟見然後執婦功○范氏曰非特

使之縫裳而又服要襪之功其儉嗇且急亦已甚矣
○蘇氏曰君子之為國致隆而極廣焉故其降也猶
可以不陷今葛屨而以履霜及其暑也將安用矣婦
之未廟見也而使之縫裳及其成為婦也將安使之
矣○說文摻作攢山廉反云好手貌董氏曰石經作攢
好人提提徒兮反宛於阮反然左辟音避佩其象揅初帝反維是
褊心是以為刺

毛氏曰提提安諦

音帝也

范氏曰安徐也

宛辟貌

朱氏曰宛然讓之貌也

婦至門夫揖而入不敢當尊宛然而左辟

蘇氏曰讓而辟者必

左孔氏曰不敢當主故就客位

○朱氏曰掃所以摘髮用象為之貴

者之飾也○蘇氏曰女子始嫁而治其威儀其修如此而可以賤事使之與然褊者以為為是無益故為其益者而至於縫裳也唯君子則不然懼其不容降

矣

鄭氏曰婦新至慎於威儀如是使之非禮

葛屨二章一章六句一章五句

汾

扶云反

沮

子預反

如

如預反

刺儉也其君儉以能勤刺不得

禮也

孔氏曰王肅孫毓皆以為大夫采芣崔靈思集注敘云君子儉以能勤案今定本及諸本敘直云其

君義亦得通

彼汾沮洳言采其莫

音暮

彼其之子美無度美無度殊異

乎公路

毛氏曰汾水也

說文曰汾出大原晉陽山西南入河○蘇氏曰汾水出於晉其流及魏

沮洳其漸

接廣反

洳者

朱氏曰汾水名沮洳水浸處下濕之地也

莫菜也

孔氏

莫菜者葉似柳葉厚而長有毛刺今人繅以取繭緒五方通之謂酸迷

○鄭氏曰無度

言不可以寸尺

孔氏曰不可以尺寸量也

是子之德美信無度矣

雖然其采莫之事則非公路之禮也公路主君之軺車庶子為之晉趙盾為軺車之族是也○朱氏曰儉嗇不似貴人也○董氏曰韓詩三章皆作彼已之子其義則同

彼汾一方言采其桑彼其之子美如英美如英殊異乎

公行

戶郎反

朱氏曰一方彼一方也史記扁鵲視見垣一方人○范氏曰英者艸木之華也○鄭氏曰公行者主君公

車之行列

孔氏曰公路公行一官也晉成公宦卿之適以為公族其庶子為公行趙盾為軫車

之族杜預云公行之官是也宦音患軫音毛

彼汾一曲言采其蕒

音續

彼其之子美如玉美如玉殊異

乎公族

朱氏曰一曲謂水曲流處○毛氏曰蕒水蕒

音昔也

孔氏

曰水蕒如續斷寸寸有節拔之可復陸璣云今澤蕒也葉如車前

○鄭氏曰公族主

君同姓昭穆也

孔氏曰左傳曰晉荀會樂蠶韓無忌為公族大夫使訓卿之子弟是公族

主君之同姓

○蠶音黯

汾沮洳三章章六句

園有桃刺時也大夫憂其君國小而迫而儉以晉不能

用其民而無德教日以侵削故作是詩也

范氏曰魏君儉而不取晉

而不施君不能發政施仁而民亦無以趨事勸功上下相離君民相棄君獨行之於上而臣民不以為非此詩所以刺時也

園有桃其實之殽心之憂矣我歌且謠

音遙

不知我者謂

我士也驕彼人是哉子曰何其

音基

心之憂矣其誰知之

其誰知之蓋亦勿思

毛氏曰興也園有桃其實之食國有民得其力○程氏曰觀此詩可見其憂深思遠矣所刺者不能用其民耳不能用其民則不能治豈復有德教其致侵削可知也國無政事則亡故詩人憂思之深也桃果之賤者園有桃亦用其實以為穀興國有民雖寡能用則治今不能用其民故心憂之至歌且謠誦詠之為

謠

毛氏曰曲合樂曰歌徒歌曰謠○孔氏曰釋樂云徒歌謂之謠謠既徒歌則歌不徒矣故曰曲合樂

曰歌樂則琴瑟行葦傳曰歌者合於琴瑟也歌謠對文如此散則歌未必合樂也

重言人不

知者不思耳其情至深切也○王氏曰儉而非之則
疑於驕○朱氏曰彼不知我心之所憂者反以我為
驕慢而曰彼君之所為已足矣而子之言獨何為哉
蓋舉國之人莫覺其非而反以憂之者為驕也故曰
心之憂矣其誰知之重言其誰知之而曰蓋亦勿思
蓋曰此之可憂較然易知彼之非我特未之思耳誠
思之則將不暇非我而自憂矣

園有棘其實之食心之憂矣聊以行國不知我者謂我

士也罔極彼人是哉子曰何其心之憂矣其誰知之其誰知之蓋亦勿思

毛氏曰棘棗也○鄭氏曰聊且略之辭也聊出行於

國中以寫憂

程氏曰行國猶駕言出遊以寫我憂

○范氏曰謂我士也

罔極言責君無已也

園有桃二章章十二句

陟岵孝子行役思念父母也國迫而數

音朔

侵削役乎大

國父母兄弟離散而作是詩也

鄭氏曰役乎大國者為大國所徵發

我子從軍行役之時當早起夜寐無得已止○朱氏
曰尚庶幾慎之哉猶可以來歸無止於彼而不來也
蓋生則必歸死則止而不來矣

陟彼屺

起音

兮瞻望母兮母曰嗟予季行役夙夜無寐上

慎旃哉猶來無棄

毛氏曰山有艸木曰屺季少子也

王氏曰尤憐愛少
子者婦人之情也

無寐無嗜

常志反

寐也

母尚恩故曰無棄言無棄母而不歸也

陟彼岡兮瞻望兄兮兄曰嗟予弟行役夙夜必偕上慎旃哉猶來無死

岡解見卷耳○蘇氏曰必偕必與同役者偕無獨行也

陟岵三章章六句

十畝之間刺時也言其國削小民無所居焉

孔氏曰謂土田陬隘

非謂無
居宅也

王氏曰先王建萬國親諸侯使小事大大比小有相

侵者方伯連帥治而正之是以諸侯不失其分地而庶民保其常生周道衰彊陵弱衆蹙寡天子方伯連率無以制之有國者亦多不知所以守其封疆此詩所為作也

十畝之間兮桑者閒閒兮行與子還兮

張氏曰十畝之間場圃之地

又曰周制國鄙之外有聽為場圃之地者疑家

授十畝以毓艸木○孔氏曰孟子曰五畝之宅樹之以桑則野田不樹桑漢書食貨志云田中不得有樹用妨五穀○毛氏曰閒閒然男女無別往來之貌或行來

者或來還者

孔氏曰還兮相呼而共歸下云逝兮相呼而共往傳總解之

○孔氏

曰魏雖地狹民稠未必即然舉十畝地以喻其陘隘

耳○釋文閑閑作間間曰本亦作間

十畝之外兮桑者泄泄

以世反

兮行與子逝兮

毛氏曰泄泄多人之貌

橫渠指桑地為場圃合於古制但又謂魏地侵削於無井受之田徒有近郭園廛而已則似不然果如是民將何所食乎政使周制果家賦園廛十畝

魏既削小豈容尚守古灋容或數家共之也況詩所謂十畝者特甚言之爾未可以為定數也

十畝之間二章章三句

伐檀

待丹反

刺貪也在位貪鄙無功而受祿君子不得進

仕爾

坎坎

若感反

伐檀兮寘之河之干兮河水清且漣

力纏反

猗

於宜反

不稼不穡胡取禾三百廛

直連反

兮不狩不獵胡瞻

爾庭有縣

音玄 貆

兮彼君子兮不素餐

七丹反

兮

毛氏曰坎坎伐檀聲○朱氏曰檀木可以為車者君

子伐之以自給也○毛氏曰寘置也干厓也○董氏

曰河濁而在岸之干之側之澹者清也○毛氏曰風

行水成文曰漣

孔氏曰釋水云河水清且漣漪大波為瀾小波為漣直波為徑漣瀾雖異

而義同

○朱氏曰猗與兮同語辭也按書斷斷猗無他

枝大學作兮○毛氏曰種之曰稼斂之曰穡一夫之

居曰廛

孔氏曰廛謂一夫之田百畝也

○鄭氏曰是謂在位貪鄙無

功而受祿冬獵曰狩宵田曰獵胡何也貉子曰貍

孔氏

曰視汝之庭則所懸者是貍獸也

彼君子者伐檀之人○毛氏曰素

空也

坎坎伐檀兮寘之河之干兮河水清且漣漪悠然
於河之干遺佚而不怨阨窮而不閔者也國人見
君子在下者如此小人在位者如彼乃責之曰汝
未嘗稼穡禾何為而積汝未嘗狩獵貍何為而來
汝獨不見夫彼河干之君子義不素餐親伐檀以
自食者乎此特旁觀者之辭若所謂伐檀之君子

方且陶陶不改其樂豈較短量長者哉

坎坎伐輻

音福

兮寘之河之側兮河水清且直猗不稼不

穡胡取禾三百億兮不狩不獵胡瞻爾庭有縣特兮彼

君子兮不素食兮

毛氏曰輻檀輻也

孔氏曰伐檀為車之輻

側猶厓也○蘇氏曰

水平則流直○鄭氏曰十萬曰億三百禾秉之數

孔氏

曰田方百里於今數為九百萬畝而王制云方百里為田九十億畝是億為十萬也三百億與三百廬三百圉相類若為釜斛之數則大多不

類故為禾秉之數謂刈禾之把數

○毛氏曰獸三

歲曰特

坎坎伐輪兮寘之河之漚

順倫反

兮河水清且淪

音倫

猗不

稼不穡胡取禾三百囷

丘倫反

兮不狩不獵胡瞻爾庭有

縣鵲

音純

兮彼君子兮不素飧

素門反

兮

毛氏曰檀可以為輪漚厓也淪小風水成文轉如輪

也

釋文曰韓詩曰順流而風曰淪淪文貌

圓者為囷

孔氏曰方者為倉

鵲鳥也

爾雅郭璞注曰鵲鵲之屬也○鵲鳥含反

熟食曰飧

說文曰飧水澆飯也

伐檀三章章九句

碩鼠刺重歛

呂驗反

也國人刺其君重歛蠶食於民不修

其政貪而畏人若大鼠也

孔氏曰蠶食者蠶之食桑漸漸以食使桑盡也猶君重歛

漸漸以稅

使民困也

碩鼠碩鼠無食我黍三歲貫

古亂反

女莫我肯顧逝將去

女適彼樂

音洛

土樂土樂土爰得我所

鄭氏曰碩大也大鼠

孔氏曰陸璣云今河東有大鼠能人立交前兩足於頭上跳舞

善鳴食人禾苗人逐則走入樹空中魏國今河東郡河北縣是也言其方物宜有此鼠

○毛氏

曰貫事也○鄭氏曰逝往也○朱氏曰爰語辭也○

鄭氏曰我事女三歲矣曾無恩德來顧眷我往矣將去女與之訣別之辭○朱氏曰今將去女以適彼樂土而得我之所也

三歲貫女蓋言魏君培克民當去之久矣姑事之至於三歲而莫我肯顧也猶書所謂天惟五年須暇之之意也

碩鼠碩鼠無食我麥三歲貫女莫我肯德逝將去女適彼樂國樂國樂國爰得我直

范氏曰莫我肯德者不以我為德也民出力以事上不以為德而反蠶食之此所以去也爰得我直者欲適彼有道之國而赴邇之得其直亦樂矣

碩鼠碩鼠無食我苗三歲貫女莫我肯勞逝將去女適彼樂郊樂郊樂郊誰之永號

戶毛反

毛氏曰苗嘉穀也○范氏曰莫我肯勞者不以我為勞也○鄭氏曰郭外曰郊之往也○毛氏曰號呼也○廣漢張氏曰碩鼠之詩聖人所為取者以君失道

如此國人疾之甚而欲去之猶有所未忍絕也故著
其情於詩乃其所未忍絕者也末章誰之永號謂我
將去爾而適樂郊當誰復永號於爾之土者乎此則
尤可見其情也○釋文永作咏曰本亦作永

鄭氏曰
永歌也

碩鼠三章章八句

魏國七篇十八章百二十八句

呂氏家塾讀詩記卷十